



QUÆSTIO MEDICA.  
QUOD LIBETARIIS DISPUTATIONIBUS

MANE DISCUTIENDA

IN SCHOLIS MEDICORUM.

Die Jovis decimâ octavâ Novembris 1706.

M. CLAUDIO DU CERF,

DOCTORE MEDICO,

PRÆSIDE.

*An Bilis agendi præcipua facultas ab amaro?*

I.



UEM habent usum in machinis hydraulicis aqua,  
& in pneumaticis aer, eundem in corpore humano  
spiritus & humores obtinent. Hi varii sunt variae-  
que indolis, omnes in sanguine permixti & confusi  
ab eo perenniter secernuntur & effluunt in propria  
vasa, in ipsa (modò sint utiles) refluxuri, ut succus  
pancreaticus, bilis, lympa: nusquam redituri, si prorsus excre-  
mentitii fuerint, qualis urina varique succi per arterias mesen-

tericas ad intestina delati; unâ cum chyli fœce per anum excernendi. In humorum utilium exquisitâ permixtione & æquabili ad se invicem proportionem, quam ne conjecturis quidem assequi possibile est, laudabilis temperies consistit; hanc consequuntur caloris & frigoris, humiditatis & siccitatis contemperatio. Cùm ab ejusmodi exactâ mixtione & legitimâ proportionem recedunt, fit intemperies; undè caloris aut frigoris, humiditatis aut siccitatis molestus excessus. Præposterè philosophantur, qui rem secus accipiunt. Non à calore aut frigore, humiditate aut siccitate humoribus inest insignis facultas; præcipua vis debetur saporibus.

## II.

**S**APORUM nomine hîc linguæ sensus ne intellexeris, sed causas à quibus motu nervorum linguæ excitantur. Hæ salia sunt in humore fusa, vel oris salivâ dissoluta. Tot salia, tot saporum. Simplicia sunt vel composita. Simplicia duo tantùm; alterum acidum, ὀξύ Hippocrati; alterum, alkali vocant. Acida salia non sunt unius generis & indolis, omnia cum oppositis effervescent, non secum invicem, excepto spiritu salis, qui cum aliis Acidis ebullit. Sal pariter alterum non uniusmodi est, aliud fixum, aliud volatile. Omnia vires acidorum infringunt, ut & ab ipsis infringuntur. Ab eorum secum invicem, & cum principiis passivis, terrâ scilicet & aquâ, variâ mixturâ varii saporum, in quorum aliis acidum dominatur: ut in falso, austero, acerbo, in aliis alterum ipsi oppositum, ut in acro & amaro. In mineralibus, plantis, Animalibus generatio, corruptio, alteratio, mutationes ferè deniquè omnes horum salium ministerio, dum permiscuntur aut secernuntur, effervescent vel concrecent, aculeis pungunt vel demulcent lævitate, perficiuntur.

## III.

**P**UTIDUM liquamen, quod in alvi fluxu vel purgantium medicamentorum vi excernitur, bilis nomine male insignitur. Hæc liquor est pretiosus in propriis conceptaculis ad suos usus coacervatus, naturâ suâ constanter amarus. Ex chylo primum unâ cum aliis succis sanguinem constituentibus in corde gignitur. Ad hepar per arteriarum ramulos à cœliacâ productos advehitur, & in eo à sanguine, cui huc usque permixta fuerat, secernitur. Hoc viscus quamvis ad sensum integrum glandula est conglomerata, plurimis constans lobulis tenui membranâ involutis & à se invicem

distinctis. Unusquisque lobulus ex pluribus compositus glandulosis acinis uvam referre videtur. Ad singulos lobulos venæ cavæ, venæ portæ, arteriæque rami, & canalis bilarii radices pari numero disperguntur. Istis lobulis tanquam cribris bilis trajicitur, & in radices canalis bilarii excutitur, indèque in canalem ab hepatis substantiâ ad vesiculam folliculumve bilis obscurior via. Quominus à canali in vesiculam fluat, obstant valvulæ ejus cervici citrà meatûs cholidochi hiatus appositæ. Bilis vesiculæ tenuior est, canalis crassior, utraque communi ductu in jejunum intestinum delabitur.

## IV.

**BILIS** amaror à plurimo sale volatili, paucò acido, terrâ, & aquâ, certâ proportionè permixtis producitur. Sal volatile dignoscitur, tum ex ejus analysi per ignem factâ, tum ex permixtione cum spiritibus acidis, quibuscum etiam extrâ corpus effervescit. Paucum saltem acidum demonstrat salis volatilil permanens, quod nusquam solum subsisteret, sed promptissimè in auras evanesceret. Istius acidi exuperantiâ bilis concrevit, undè lapidum in vesiculâ fellis origo. Si minori fuerit copiâ quàm par est, bilis fit acrior & subtilior. Ad intestinum delata chyloque & succo pancreatico permixta pro variâ suâ indole effervescentiam parit laudabilem vel molestam, quam vitæ commoda vel incommoda sequuntur. Hâc effervescentiâ, chyli fæces præcipites aguntur in intestina crassa. Ulteriùs cum chylo ad cor promotâ bilis iterùm effervescit in ejus ventriculis, atque pro amari sui salis naturâ varios producit effectus; hos inter notissimus calor, qui juxtâ fermentationis modum naturalis est vel contrâ naturam.

## V.

**CALOR** & frigus in corpore qualitates sunt omnium minimè potentes; præcipuè viribus magis insignes sunt acidum, amarum, salsum, austerum, acerbum, quorum unumquodque homini inest. Quandiu hæc temperata sunt inter se, neque conspicua sunt, neque hominem lædunt. Ubi horum aliquid secretum fuerit, atque ipsum in seipso fuerit, tunc conspicuum est, & hominem lædit. Ex cibis quicumque ingesti incommodi sunt, horum unusquisque amarus est, aut salsum, aut acidus, aut acer, aut acerbus, aut quâcumque simili ratione intemperatus ac fortis. His saporibus in excessu positus salibusve nocent, non calore aut frigore quæ actu non insunt, sed salium motum consequuntur. Falluntur qui propter calidum,

hominem febricitare putant; rectè judicant qui propter amarum, acidum, salsum, acre. Bilis extrà naturæ suæ cancellos posita calore suo non lædit, sed amarore qui ubi per corpus diffusus est, statim & anxietates, & æstus, & impotentia occupant. Ubi acrior & æruginosa bilis facta est, statim morsus viscerum & pectoris, rabies & desperatio.

*Ergò Bilis agendi præcipua facultas ab amaro.*

Domini Doctores disputaturi.

M. Joannes Herment, Medicus utriusque Aulae Equestris Regis ordinarius.

M. Jacobus Fourneau.

M. Joannes Robert.

M. Stephanus-Franciscus Geofrey, Regia Scientiarum Academia Parisiensis & Londinensis Socius.

M. Ludovicus-Franciscus du Tal.

M. Ludovicus Gayant, Medicus Regis ordinarius veteranus.

M. Franciscus Aignan.

M. Michaël-Ludovicus Re-neauve de la Garanne, à Regia Scientiarum Academia.

M. Franciscus Vezou.

Proponebat Parisiis FRANCISCUS-OLIVARIUS  
DE CUVILLE, Parisinus, Baccalaureus Medicus.  
A. R. S. H. 1706.

Typis Viduæ Francisci Muguet Regis & Facultatis Medicinæ Typographi.